

# 卷二十八



書名 錦繡萬花谷別集三十卷 嘉靖十五年序錫山秦汴鑄石書堂刊本後修  
 撰者 宋 闕名 撰  
 卷 卷二十八  
 內容分類 子-類書-彙考-宋  
 索書號 大木 子部 類書類-31  
 編號 C5924800

彩色首頁1

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木 子部 類書類-31](#)

[漢籍善本全文影像資料庫文本 錦繡萬花谷別集三十卷 嘉靖十五年序錫山秦汴鑄石書堂刊本後修](#)

版權所有: [東京大學](#) [東洋文化研究所](#)  
[使用上的注意事項](#)

錦繡萬花谷別集卷之一



陔註 陔 廣雅云九天之際曰九垓九天之外次曰九垓  
 垓 垓也陔階也言階次有九

銅儀 名臣奏曰今史官所用候臺銅儀則混天法也  
 述征 曰長安南有靈臺上有銅渾天儀

南高 晉天文志天形南高而北下日出高故見日  
 入下 不見天之居如倚蓋

天運 漢天文志天運三十歲一小變百年中變五  
 二大變一紀三紀而大備

周 唐天文志元宗詔一行與梁令瓚鑄  
 大元經闔天謂之宇闔天謂之宙

**三棘**墨子曰和氏之璧夜光之珠三棘六異此諸侯之良寶者也

**六瑞**周禮曰以玉作六瑞以等邦國王執鎮圭公執桓圭侯執信圭伯執躬圭子執穀璧男執蒲璧

錦繡萬花谷別集卷之二十七

錦繡萬花谷別集卷之二十八

禽

**西王母使者**續齊諧記曰楊寶九歲時至華陰山北見一黃雀為鴟梟所搏墜於樹下為螻蟻所困寶取之以歸置巾箱中唯食黃花百餘日毛羽成乃飛去其夜有黃衣童子向寶再拜曰我西王母使者君仁愛救拯實感成濟以白環與寶令君子孫潔白位登三事當如此環子震安帝時為太尉震子秉桓帝時為太尉秉子賜靈帝時為太尉賜子彪獻帝時為太尉魏文帝時復為太尉至彪四世太尉德業相繼

**雞作人語**幽冥錄晉兗州刺史沛國宋處宗嘗買一長鳴雞愛養甚至常著窓間後雞作人語與處宗談論極

有言說終日不輟處宗因此功業大進

**房相**杜得房公池鵝詩房相西池鵝一羣眠沙泛浦

白於雲鳳皇池上應回首為報籠隨王右軍

**其羽炎熱**杜去矣行焉能作堂上燕噉泥附炎熱

**鷓鴣**莊子鷓鴣巢林不過一枝

**鳳皇非梧桐不棲**北史王勰字彥和魏孝文升金墉

城顧見堂後桐竹曰鳳皇非梧桐不棲非竹實不食今

梧竹並茂詎能降鳳乎

**鷓鴣冲天**北史崔謚恃其第暹勢從李繪乞麋角鷓鴣

繪曰鷓鴣有六翮飛則冲天麋有四足走便入海下官庸

體踈懶手足遲鈍不能近追飛走遠事佞人

**言勝得鷓**史魏文侯使蔡無澤獻鷓於齊侯行路失

之謂齊侯曰寡君使臣獻鷓路而失之乃冲天而去非

不能買鷓不敢易君幣非不能逃亡惡絕兩君之好非

不能自殺惡貴鷓賤人是以獻空籠惟君裁之齊侯曰

得言勝得鷓矣

**雀**李白空城雀云嗷嗷空城雀身計何戚促本與

鷓鴣群不隨鳳皇族提携四黃口飲乳未嘗足食君糠

糝餘常恐烏鳶逐

**南史荀伯玉傳**齊高帝為宋明帝所疑被徵為

黃門郎深懷憂慮見平澤群鶴仍命筆詠之曰八風儼

遙翮九野弄清音一推雲間志為君苑中禽

**鶴為羽族之宗**相鶴經云鶴陽鳥也因金氣依火精火

數七金數九故十六年小變六十年大變千六百年形

定而色白又云一年落子毛易黑點三年頭赤七年飛薄雲漢又七年學舞復七年應晝夜十二鳴六十年大毛落茸毛生色雪白泥水不能汚百六十年雌雄相見目睛不轉朶千六百年飲而不食食於水故喙長軒前故後短足高尾彫毛豐肉踈並羽族之宗仙人之騏驎也

**秋燕如客**杜秋燕已如客註云張衡旅寓洛汭生計無聊有命駕之心顧梁上燕曰秋風已至想如客與斯難久留也

**汚君子雕梁**梁王覺為佞人奪權故人慰問指庭下泥笑謂客曰非久當隨燕嘴汚君子雕梁

**海國**列子海上人好鷗鳥其父欲取玩之明日之海上

鷗鳥舞而不下

**望帝化為子規**蜀記昔有姓杜名字號望帝宇死俗傳化為子規鳥一名鷓蜀人聞子規鳥皆曰望帝遂於鷓字上加杜姓謂之杜鷓又謂之杜宇

**洛陽無杜鷓**邵康節曰洛陽舊無杜鷓不一二年上用南人為相天下多事矣

**雉祥**唐褚遂良傳時飛雉數集宮中帝問是何祥遂良曰昔秦文公時有侂子化為雉雌鳴陳倉雄鳴南陽侂子曰得雄者王得雌者霸文公遂雄諸侯始為寶雞祠漢光武得其雄起南陽有四海陛下本封秦故雌雄並見以告明德子侂之人及童

**嗽金鳥**酉陽雜俎云嗽金鳥出昆明國形如雀色黃常

翱翔於海上魏明帝時其國來獻此鳥飴以真珠及龜腦常吐金屑如粟鑄之乃為器服宮人爭以鳥所吐金為釵珥謂之辟寒金以鳥不畏寒也宮人相嘲弄曰不服辟寒金那得帝王心不服辟寒鈿那得帝王憐雞雞可以觀仁本朝二程觀雞雞曰此可觀仁禽有良能伊川曰萬物皆有良能禽鳥做得巢子極有巧好處是他良能不待學也

**鳳皇擊九千里**宋玉對楚襄王問云鳳皇上擊九千里絕雲霓負蒼天亂浮雲翱翔乎杳冥之上夫藩籬之鷄豈能與之料天地之高哉

**北山鷄**後漢朱穆與劉伯宗詩曰北山有鷄不潔其羶飛不正向寢不定息餓則木攬飽則泥伏所性貪汗臭

腐是食填腸滿嗉嗜欲無極長鳴呼鳳謂鳳無德鳳之所趣與子異域域從此訣各自努力

**鳥銜木為城**酉陽雜俎云貞元四年鄭汴二州群鳥飛入田緒李納境內銜木為城高至二三尺方十餘里納緒惡而命焚之信宿如舊鳥口皆流血

**鵲巢有梁**酉陽雜俎云鵲巢中必有梁崔圓相公妻在家時與姊妹戲於後園見二鵲構巢共銜一木如筆管長尺餘安巢中衆悉不見俗言見鵲工梁必貴

**沐溪野雙鶴**地理志慶州青田縣在州東南一百五十里有雙鶴生子即便化去人以為異又永嘉郡記沐溪野去青田九里有雙鶴年年生子長大便去只餘父母一雙精白可愛多云神所養又杜詩薛公十一鶴皆寫

青田真

**鷓鴣** 莊子秋水篇南方有鳥其名鷓鴣發於南海而飛

於北海非梧桐不止非練實不食非醴泉不飲

**比翼鳥** 爾雅云南方有比翼鳥不比不飛其名謂之鵲

**射雉富貴之驗** 隋龐晃字元顯白高祖曰公相貌非常

名在圖籙九五之日幸願不忘高祖笑曰何妄言也頃

之有一雄雉鳴於庭高祖命晃射之曰中則有賞然富

貴之日持以為驗晃既射而中高祖撫掌大笑曰此是

天意公能感之而中也

**詩** 去年汝來巢我屋梁間泥污高一尺啄腥拋穢不汝

厭生長群雛我護惜家貧惠愛不及人自謂於汝獨有

力不望汝如靈蛇銜寶珠雀獻金環來報德春風期汝

一相顧對語茅簷慰岑寂如何今年來於我絕踪跡一

會簾櫳盡堂間便視吾廬為棄物識屏引風時叫兩

三聲咽月因思折葦汀踉蹌初過松院裏櫛從擬舞雪

花庭窺雲長側丹砂臉立石閑梳白石翎何日許隨鴛

鳳去拂霞搖靄入青冥諭鸞骨含仙氣生來瘦羽插天

風過處寒鷗王禹偁莫恨彫籠翠羽殘江南地暖離西寒

勸君不用分明語語得分明出轉難羅隱蜀魄千年

尚怨誰聲聲啼血向花枝滿山明月東風夜正是愁人

不寐時羅子雲散巴山綠草稠子規啼處感年流影

隨明月生芳樹聲逐和風入畫樓綿郡幾人驚旅夢錦

城孤客起鄉愁蜀君變化已千載何事如今叫未休功

子規何事經年阻好春後風催出囀喬林羽毛新刷陶

潛菊喚舌初調叔夜琴怕雨並棲紅杏密避人雙入綠  
楊深曉來枝上千般語似共桃花說舊心齊記詩對語  
春風翠滿衣碧江迢遞往來稀遠空盡日和煙去深院  
無人帶雨歸珠箔下時猶脉脉畫堂深處正依依王孫  
盡許營巢穩慣聽笙歌夜不飛韓詩翠鬣紅毛舞夕暉  
水禽情似此禽稀暫分煙島猶回首祇過寒塘亦並飛  
映霧乍迷金殿瓦逐梭齊上玉人機採蓮無限蘭橈女  
笑指中流羨爾歸韓詩鸞繞見離巢羽翼開盡能輕颺  
出塵埃人間樹好紛紛占天上橋成草草回幾度追飛  
臨玉戶一時傳喜到粧臺若教顏色如霜雪應與清平  
作瑞來韓詩來時沙磧已冰霜飛過江南木葉黃水潤  
天低雲暗淡朔風吹起自成行歐陽脩有鳥居丹穴其

名曰鳳皇九苞應靈瑞五色燦文章屢向秦樓側頻  
洛水陽鳴岐今日見阿閣佇來翔李嶠鳳詩

獸

**宋公狙**列子宋有狙公愛狙而養之先誑之曰與若茅  
朝三而暮四足乎衆狙皆起而怒俄曰與若茅朝四而  
暮三足乎衆狙皆伏而喜註云茅栗也

**狻尾**杜詩註揚大年云狻之形似鼠而大尾長作五色  
生川峽深山中以藥矢射殺之取其尾為卧褥鞍被坐  
檀之用狻甚愛惜其尾既中毒即齒斷其尾以擲之惡  
其為身害也蓋輕捷善緣木猿之類也狻而中反

**西巴放麋**後漢桓榮傳論註孟孫獵得麋使秦西巴持  
之其母隨而呼西巴不忍而與其母

**神與牛交** 酉陽雜俎云堅昆部落非狼種其先所生之窟在曲漫山北自謂上代有神與犛牛交於此窟其人髮黃目綠赤髭髯其髭鬚俱黑者漢將李陵及其兵衆之胤也

**猿獸** 酉陽雜俎云婆彌爛國去京師二萬五千五百五十里此國西有山峻巖峻險上多猿猿形絕長大常暴田種每年有二三十萬國中起春以後尤集甲兵與猿戰雖歲殺數萬終不能盡其巢穴

**仙鹿** 酉陽雜俎云虞部郎中陸紹弟爲盧氏縣尉常觀獵人獵忽遇鹿五六頭臨澗見人不驚毛斑如畫陸怪獵人不射問之獵者言此仙鹿也射不能傷且復不利陸不信強之獵者不得已一發矢鹿帶箭而去及返射

者陸崖折左足

**猴獮** 酉陽雜俎云蜀西南高山土有物如猴狀長七尺名猴獮一曰馬化好竊人妻多時形皆類之盡姓楊蜀中姓楊者往往攫瓜

**看兔可作八卦** 伊川見賣兔者曰聖人見河圖洛書畫八卦何必圖書只看此兔亦可作八卦數便從此中可起聖人取神物之至著者耳

**玄鹿** 述異記云鹿千年化爲蒼又五百年化爲白又五百年化爲玄漢成帝時中山人得玄鹿烹之骨皆黑色仙者云玄鹿爲脯食之壽二千歲

**獬豸** 述異記云獬豸一角羊也性知人有罪臯陶治獄其罪疑者令羊觸之



絡馬穿牛 莊秋水篇牛馬四足是謂天絡馬首穿牛鼻  
是謂人

比有獸 爾雅云西方有比肩獸與印印 岨虛比為印印  
岨虛嚙其甘草即有難印印 岨虛負而走其名為歷一  
云歷井中虫也

魚

丙穴 杜將赴成都草堂詩魚知丙穴猶來美註云蜀都  
賦云嘉魚出於丙穴丙穴在漢中沔陽縣北有魚穴二  
所常以三月取之

鱸長數千里 六帖水經云鱸魚長數千里穴居海底魚  
入穴則潮上出穴則潮退出入有節故潮水有期  
鯤魚 宋玉對楚襄王問云鯤魚朝發崑崙之墟暴鬚於

碣石暮宿於孟諸夫尺澤之魚豈能與之量江海之大  
哉

為蛟龍 酉陽雜俎云魚滿三百六十年則為蛟龍引  
去水又云魚二千斤為蛟

斤千頭 酉陽雜俎云武陽小魚一斤千頭

瞳子如五斗 益 段成式書云東海大魚瞳子大如三斗  
益

洛鯉伊魴 酉陽雜俎云洛鯉伊魴貴於牛羊

箕袋化為鳥賊魚 酉陽雜俎云鳥賊遇大魚輒放墨方  
數尺以混其身海人言昔秦王東遊棄箕袋於海化為  
此魚形如箕袋兩帶極長

卷獺捕魚 酉陽雜俎云元和未均州鄖鄉縣有百姓年

七十養獺十餘頭捕魚爲業隔一日放出放時先閉於深溝斗門內令饑然後放之無網罟之勞而獲利相若老人抵掌呼之群獺皆至

**蹄泠不容尺鯉** 晉史劉聰將趙染斬魯徽大司馬曜聞之曰蹄泠不容尺鯉染之謂也

**受魚而祭** 家語孔子之楚有漁者獻魚孔子不受漁者曰天暑市遠無所鬻也思慮棄之糞壤不如獻之君子故敢以進焉於是孔子再拜受之使弟子掃地將以享祭門人曰彼將棄之夫子以祭何也孔子曰吾聞諸惜其腐餘而欲以務施者仁人之偶也惡有受仁人之饋而無祭者乎

**石鯨鳴** 西京雜記云昆明池刻玉石爲鯨每雷雨鯨嘗鳴吼鬣尾皆動漢世祭之以祈雨往往有驗又杜詩云石鯨鱗甲動秋風

**安知魚之樂** 莊秋水篇莊子與惠子遊於濠梁之上莊子曰儵魚出遊從容是魚樂也惠子曰子非魚安知魚之樂莊子曰子非我安知我不知魚之樂

**鱷魚一生百卵** 永州記云鱷魚一生百卵及成形則有爲蛇爲龜爲蛟者甚靈

蟲

**蟻** 異苑曰桓謙太元中忽有人皆長寸餘悉被鎧持槊從埒中緣机登竈蔣山道士以沸湯澆所入處寂不復出因掘之有斛許大蟻死在穴中

**壁魚** 杜歸來詩散秩壁魚乾註云壁魚白魚也俗傳壁

魚入道經函中因蠹食神仙字則身有五色人得而吞之可致神仙

**食葉者有絲** 酉陽雜俎云食葉者有絲食土者不息食而不飲者蠶飲而不食者蟬不飲不食者蜉蝣

**白蝙蝠** 李白答族姪僧中孚贈茶詩序余聞荊州玉泉寺近清溪諸山山洞往往有乳窟窟中多玉泉交流中

有白蝙蝠大如鴟按仙經蝙蝠一名仙鼠千歲之後體白如雪棲則倒懸蓋飲乳水而長生也

**蛙鳴當鼓吹** 南史孔珪字德璋門庭之內草萊不剪中有蛙鳴或問之曰欲為陳蕃乎珪笑答曰我以此當兩

部鼓吹何必效蕃王晏嘗鳴鼓吹候之聞羣蛙鳴曰此殊聒人耳珪曰我聽鼓吹殆不及此晏有慙色

**莊徐無鬼篇** 濡需者豕也擇疏鬣自以為廣

官大圓奎蹄曲隈乳間股脚自以為安室利處不知屠者之一旦鼓臂布草操烟火而已與豕俱焦也

**鼈井** 莊秋水篇子獨不聞夫培井之蛙乎謂東海之鼈曰吾樂歟吾跳梁乎井幹之上入休乎缺甃之崖赴

水則接掖持顛蹶泥則沒足滅跣還軒蟹與科斗莫吾能若也

**觸氏** 莊則陽篇有國於蝸之左角者曰觸氏有國於蝸之右角者曰蠻氏時相與爭地而戰伏尸數萬逐

北旬有五日而後反

**守宮** 東方朔傳置守宮孟下師古曰守宮虫名術家云以器養之食以丹砂滿七斤擣治萬杵以點女人體終

身不落若有房室之事則滅矣可以防閑淫逸故謂之守宮

**雞** 莊田子方篇孔子見老聃孔子出而見顏回曰丘之道也其猶醢雞歟微夫子之發吾覆也吾不知天地之大全也註云醢雞者甕中之蟻蠃

**拾遺記**曰員嶠山名環丘有冰蠶以霜雪覆之然後作繭其色五采織爲文錦入水不濡投火不燎唐堯之代海人獻以爲黼黻

錦繡萬花谷別集卷之二十八

錦繡萬花谷別集卷之二十九

雜忌

**入山忌日** 酉陽雜俎云入山忌日大月忌三日十一日

十五日十八日二十四日二十六日三十日小月忌一日五日十三日十六日二十日二十八日

**冢井氣殺人** 酉陽雜俎云凡冢井間氣秋夏中之殺人

先以雞毛投之直下無毒迴舞而下不可犯當以醋數斗澆之方可入矣

**食物雜忌** 酉陽雜俎云蒞兩鼻兩帶食之殺人簷下滴

菜有毒葶黃花及赤芥殺人○瓠牛踐苗則子苦砧垢能蝕人履底○魚有睫及目合腹中自連珠二目不同連鱗白鬚腹下丹字並殺人○鼈目白腹下五字一曰